



ATASSUT

UPA14/101-1

Gerhardt Petersen

06.05.2014

Tupat puuini tamani 1. juni 2015-imiit mianersoqqussutinik assitalersuisoqartalernissaa suliareqqullugu Naalakkersuisut peqquneqarnissaannik Inatsisartut aaliangiiffisassaattut siunnersuut.

(Inatsisartunut ilaasortaq Kristian Jeremiassen, Siumut)

Siumut sinnerlugu Inatsisartuni ilaasortap Kristian Jeremiassen-ip siunnersuutaanut ATASSUT-mit imaattumik oqaaseqaateqassaagut:

ATASSUT-mit siunnersuuteqartoq qujaffigaarput siunnersuummik matuminnga saqqummiussimmat, taamaalilluni ersarissarneqarpoq tupat puuini mianersoqqussutit sakkortusineqarnissaannik Naalakkersuisut sulissutigereersimagaat.

Periarfissaq iluatsillugu ATASSUT-mit suliffeqarfiit tupatornaveersaarnermik siuarsaasut ilanngullugit qutsavigerusuppagut, naammi massa tupatorunnaarnissaq inuup nammineq akisussaaffiginerpaagaluaraa tupat ulorianartortaqarneri aammalu tupatornerup kingunerisartagai minnerpaatikummallugit suliniarnermi annikinngitsumik peqataammata.

ATASSUT-mit nuannaarutigeqisatsinni malugiarpaputaaq ukiuni arlaqalersuni Nunatsinni tupatorneq annertunerujartuinnartumik annikilliarortoq, peqqinnissaqarfiullu suliniutai pitsaasut tupatornaveersaartitsinermut tunngassuteqartut ingerlaanarnissaat kaamattuutigaarput minnerunngitsumik meeqqat inuusuttullu akornanni.

Taamatut naatsumik oqaaseqarluta ATASSUT-mit Naalakkersuisut akissuteqaataat ersarissiq tusaatissatut tiguarput.